

Komisija za pripremanje prijedloga za izbor
akademskog osoblja u akademsko naučno-nastavno zvanje
docent za naučnu oblast/granu
Ekonomika poljoprivrede i prehrambene industrije
Sarajevo, 24.03.2025.

UNIVERZITET U SARAJEVU
POLJOPRIVREDNO-PREHRAMBENI FAKULTET
Prijmljeno: 24-03-2025
Broj: 483

Nastavno-naučnom vijeću
Poljoprivredno-prehrambenog fakulteta
Univerziteta u Sarajevu
- O d j e -

Na osnovu člana 256. St. 1. Statuta Univerziteta u Sarajevu broj: 01-14-35-1/23 od 26.07.2023. godine, a povodom raspisanog Konkursa za izbor člana akademskog osoblja u akademsko naučno-nastavno zvanje docent za naučnu oblast/granu Ekonomika poljoprivrede i prehrambene industrije na Univerzitetu u Sarajevu, Poljoprivredno-prehrambenom fakultetu (u daljem tekstu Fakultet), jedan izvršilac na puno radno vrijeme od 07.12.2024. godine, Odlukom Vijeća Fakulteta 01-6-20/25 od 06.01.2025. godine formirana je komisija za pripremu prijedloga za izbor u pomenuto zvanje u sastavu:

1. **Prof. dr. Dragana Ognjenović**, redovni profesor Univerziteta u Sarajevu – Poljoprivredno-prehrambenog fakulteta za naučnu oblast *Mikroekonomika poljoprivrede i prehrambene industrije*, **predsjednik**
2. **Prof. dr. Sabahudin Bajramović**, redovni profesor Univerziteta u Sarajevu – Poljoprivredno-prehrambenog fakulteta za naučnu oblast *Mikroekonomika poljoprivrede i prehrambene industrije*, **član**
3. **Prof. dr. Aleksandra Nikolić**, redovni profesor Univerziteta u Sarajevu - Poljoprivredno-prehrambenog fakulteta za naučnu oblast *Mikroekonomika poljoprivrede i prehrambene industrije*, **član**
4. **Prof. dr. Vedad Falan**, vanredni profesor profesor Univerziteta u Sarajevu - Poljoprivredno-prehrambenog fakulteta, za naučnu oblast *Ekonomika poljoprivrede i prehrambene industrije*, **rezervni član**

Komisija je 11.01.2025. održala svoju konstituirajuću sjednicu, te u prisustvu predstavnika Stručne službe Fakulteta otvorila dvije blagovremeno pristigle prijave, broj 900 i 901 od 20.12.2024. godine.

1. Svjetlana Sakić-Dizdarević

Prijava je zaprimljena pod brojem 900 20.12.2024. godine. Kandidatkinja je uz Prijavu priložila:

- Potpisanu Biografiju (CV);
- Validan Izvod iz matične knjige rođenih i Uvjerenje o državljanstvu BiH;

- Ovjerenu kopiju Diplome o stečenoj stručnoj spremi VII stepena i stručnom nazivu Diplomirani inženjer poljoprivrede općeg smjera, izdatu od strane Agronomskog fakulteta Sveučilišta u Mostaru;
- Ovjerenu kopiju Diplome o naučnom stepenu magistra poljoprivrednih nauka za naučnu oblast Tehnologija poljoprivrednih i prehrambenih proizvoda, izdatu od strane Poljoprivredno-prehrambenog fakulteta Univerziteta u Sarajevu;
- Ovjerenu kopiju Diplome o završenom III ciklusu studija na Univerzitetu u Sarajevu, Poljoprivredno-prehrambeni fakultet, Odsjek Prehrambene tehnologije i stečenoj akademskoj tituli doktor prehrambeno-tehnoloških nauka,;
- Spisak objavljenih knjiga (sa kopijama);
- Spisak objavljenih naučnih i stručnih radova (sa kopijama);
- Spisak izlaganja na domaćim i međunarodnim simpozijumima i kongresima (sa kopijama);
- Spisak naučno-istraživačkih projekata na kojima je učestvovala sa navedenom pozicijom na kojoj je bila angažovana.

2. Berin Kulelija

Prijava je zaprimljena pod brojem 901, 20.12.2024. godine. Kandidat je uz prijavu priložio:

- Potpisanu Biografiju (CV);
- Ovjerenu kopiju validnog Izvoda iz matične knjige rođenih;
- Ovjerenu kopiju validnog Uvjerjenje o državljanstvu BiH,
- Ovjerenu kopiju Diplome o završenom I ciklusu studija na Univerzitetu u Sarajevu, Poljoprivredno-prehrambeni fakultet, Odsjek Ekonomika poljoprivrede i prehrambene industrije i stečenoj tituli i stručnom zvanju bakalaureat poljoprivrede, uz dodatak diplomi
- Ovjerenu kopiju Diplome o završenom II ciklusu studija na Univerzitetu u Sarajevu, Poljoprivredno-prehrambeni fakultet, Odsjek Ekonomika poljoprivrede i prehrambene industrije, smjer Ekonomika agroindustrije i stečenoj akademskoj tituli i zvanju magistar poljoprivrede, uz dodatak diplomi
- Ovjerenu kopiju Diplome o završenom III ciklusu studija na Univerzitetu u Sarajevu, Poljoprivredno-prehrambeni fakultet, Odsjek Poljoprivredne nauke i stečenoj akademskoj tituli doktor poljoprivrednih nauka
- Spisak objavljenih naučnih i stručnih radova (sa kopijama);
- Spisak izlaganja na domaćim i međunarodnim simpozijumima i kongresima (sa kopijama i certifikatima);
- Certifikate o učešću na stručnim i naučnim obukama, radionicama i studentskim boravcima
- Prilozi koji dokumentuju radno iskustvo

Komisija je razmotrila pristiglu dokumentaciju za oba kandidata o čemu podnosi

IZVJEŠTAJ

Na Konkurs za izbor člana akademskog osoblja u akademsko naučno-nastavno zvanje docent za naučnu oblast/granu Ekonomika poljoprivrede i prehrambene industrije na Univerzitetu u Sarajevu, Poljoprivredno-prehrambenom fakultetu, jedan izvršilac na puno radno vrijeme, objavljenom u dnevnom listu Avaz i web stranici Fakulteta 07.12.2024, koji je zatvoren 22.12.2024. godine prijavili su se Svjetlana Sakić-Dizdarević i Berin Kulelija.

Odredbama člana 112. Zakona o visokom obrazovanju ("Službene novine Kantona Sarajevo", br. 36/22) zakonski minimalni uslovi za izbor u nastavno-naučno zvanje docenta su: naučni stepen doktora u naučnoj oblasti na koju se bira, minimalno tri naučna rada objavljena u priznatim publikacijama, od čega je jedan naučni rad objavljen u publikaciji indeksiranoj u relevantnim naučnim bazama podataka.

Na osnovu priložene dokumentacije koju je dostavila kandidatkinja Svjetlana Sakić-Dizdarević, Komisija je zaključila da kandidatkinja ne zadovoljava zakonom propisane minimalne uslove za izbor u nastavno-naučno zvanje docenta za oblast Ekonomika poljoprivrede i prehrambene industrije, jer ne posjeduje naučni stepen doktora nauka u oblasti u koju se bira, niti je ta oblast bila predmet njenog dosadašnjeg naučno-istraživačkog rada. Predmet istraživanja u okviru doktorske disertacije, kao i gotovo svih objavljenih radova (samo jedan naučni rad se može smatrati radom iz oblasti Ekonomika poljoprivrede i prehrambene industrije) je vezan za oblast prehrambenih tehnologija – mljekarstvo.

Na osnovu podataka iz dokumentacije priložene uz prijavu Berina Kulelija Komisija zaključuje da kandidat zadovoljava uslove za izbor nastavno-naučno zvanje docenta za oblast Ekonomika poljoprivrede i prehrambene industrije propisane članom 112. Zakona o visokom obrazovanju KS ("Službene novine Kantona Sarajevo", br. 36/22).

1. Biografski podaci kandidata

Berin Kulelija je rođen u Foči, 25.06.1987. godine. Osnovnu i srednju školu završava u Goraždu, a zatim upisuje I ciklus studija, Poljoprivredno-prehrambeni fakultet, Odsjek Ekonomika poljoprivrede i prehrambene industrije koji završava 2010. godine, sa prosječnom ocjenom 8,49, odbranivši završni rad pod naslovom „Stanje i perspektive razvoja proizvodnje mesa u Bosni i Hercegovini“. Drugi ciklus studija na Poljoprivredno-prehrambenom fakultetu Univerziteta u Sarajevu, studijski program Ekonomika agroindustrije završava 2012. godine, odbranom završnog rada „Ekonomika prerade mesa u Bosni i Hercegovini“, ostvarivši prosječnu ocjenu 9,47. Treći ciklus studija Poljoprivredne nauke, na Poljoprivredno-prehrambenom fakultetu Univerziteta u Sarajevu je završio sa prosječnom ocjenom 9,86, a doktorsku disertaciju pod naslovom „Korištenje finansijske poluge za ostvarivanje rentabilnosti u prehrambenoj industriji Bosne i Hercegovine“ odbranio i zvanje doktora poljoprivrednih nauka stekao 2018. godine.

Berin Kulelija je u kontinuitetu zaposlen od 2013. godine. Do 2019. godine je radio kao agroekonomista u Agros doo Goražde. U periodu 2019-2022. radi na poslovima komunalnog inspektora u Gradu Goražde, a od 2022. godine je pomoćnik gradonačelnika Goražde u Službi za investicije, lokalni ekonomski razvoj i upravljanje imovinom. Živi u Goraždu. Oženjen je i otac dvoje djece.

2. Naučni radovi

Kandidat Berin Kulelija je objavio 21 naučni i jedan stručni rad. Devet (9) naučnih radova je objavljeno u časopisima koje prati relevantna naučna baza, dok je 12 recenziranih naučnih radova prezentirano na međunarodnim konferencijama.

2.1. Naučni radovi objavljeni u priznatim publikacijama

1. Kulelija, B., Ognjenovic, D., Bećirović, E. (2020). Analiza finansijskih pokazatelja preduzeća za preradu mesa u Bosni i Hercegovini. Radovi Poljoprivredno-prehrambenog fakulteta Univerziteta

u Sarajevu 2020 Vol. 65. No.70. Sarajevo: Poljoprivredno-prehrambeni fakultet. Univerzitet u Sarajevu. str. 189-200.

2. Kulelija, B., Ognjenovic, D., Uzunovic, M., Bećirović, E. (2017). Analysis of Balance Sheet and Income Statement of Meat Processing Companies in Bosnia and Herzegovina. Works of the Faculty of Agriculture University of Sarajevo 2017 Vol.62 No.67(1). Sarajevo: Faculty of Agriculture and Food Sciences. University of Sarajevo. pp 217-222.
3. Uzunović, M., Nikolić, A., Bajramović, S., Delibašić, V., Kulelija, B. (2017). Bosnian and Herzegovinian Dairy Sector Position at Croatian and Serbian Markets. Works of the Faculty of Agriculture University of Sarajevo 2017 Vol.62 No.67(1). Sarajevo: Faculty of Agriculture and Food Sciences. University of Sarajevo. pp 243-247.
4. Kulelija, B., Ognjenovic, D., Bajramović, S., Bećirović, E. (2016). Foreign trade balance of Bosnia and Herzegovina with the focus on agro industrial sector. Works of the Faculty of Agriculture University of Sarajevo 2016 Vol.61 No.66(2). Sarajevo: Faculty of Agriculture and Food Sciences. University of Sarajevo. pp 177-187.
5. Kulelija, B., Ognjenovic, D., Bajramović, S., Bećirović, E. (2016). Indebtedness of fruit and vegetables producers in Bosnia and Herzegovina. Works of the Faculty of Agriculture University of Sarajevo 2016 Vol.61 No.66(2)). Sarajevo: Faculty of Agriculture and Food Sciences. University of Sarajevo. pp 189-195.
6. Kulelija, B., Ognjenovic, D., Bajramović, S., Bećirović, E. (2016). Return on assets and return on equity of milk producers in Bosnia and Herzegovina. Works of the Faculty of Agriculture University of Sarajevo 2016 Vol.61 No.66(2). Sarajevo: Faculty of Agriculture and Food Sciences. University of Sarajevo. pp 167-176.
7. Kulelija, B., Ognjenovic, D., Bajramović, S., Bećirović, E. (2016). Liquidity agro-food sector in Bosnia and Herzegovina in function of sustainable business. Works of the Faculty of Agriculture University of Sarajevo 2016 Vol.61 No.66(1). Sarajevo: Faculty of Agriculture and Food Sciences. University of Sarajevo. pp 437-439.
8. Bećirović, E., Bajramović, S., Ognjenovic, D., Makaš, M., Kulelija, B. (2016). Economic efficiency of the green houses vegetable production in the conditions of continental and mediterranean climate in Bosnia and Herzegovina. Works of the Faculty of Agriculture University of Sarajevo 2016 Vol.61 No.66(1) Sarajevo: Faculty of Agriculture and Food Sciences. University of Sarajevo. pp 420-424.
9. Bajramović, S., Nikolić, A., Ognjenovic, D., Bećirović, E., Kulelija, B. (2016). Comparative advantages and exports competitiveness of fresh fruits production in Bosnia and Herzegovina. Works of the Faculty of Agriculture University of Sarajevo 2016 Vol.61 No.66(1). Sarajevo: Faculty of Agriculture and Food Sciences, University of Sarajevo. pp 415-419.

2.2. Recenzirani naučni radovi prezentirani na konferencijama

1. Kulelija, B., Ognjenovic, D. (2019). Financial leverage and effects of its use in the food industry of Bosnia and Herzegovina. Proceedings of International university Travnik in Travnik of XX International conference Economy and globalization, the rule of law and media in the conditions of digitalization in the Western Balkan countries. Travnik: International University of Travnik. pp. 195-203.
2. Kulelija, B., Ognjenovic, D., Becirović, E., Makas, M. (2019). Trends in the Structure and Business Performances of Fruit and Vegetable Processors in Bosnia and Herzegovina. Book of Abstracts of CASSE Conference 2019. The role of life science universities in redirecting land use from threat to guardian of ecosystem. Sarajevo: University of Sarajevo, Faculty of Agriculture and Food Sciences. pp. 28-29.

3. Kulelija, B., Ognjenovic, D. (2017). The effect of capital borrowing on equity of fruit and vegetable processors in Bosnia and Herzegovina. Book of Abstracts of the 28th International Scientific-Expert Conference of Agriculture and Food Industry. Sarajevo: Faculty of Agricultural and Food Sciences. pp. 154.
4. Kulelija, B., Ognjenovic, D., Bećirspahić, D. (2017). Effectiveness and productivity of agro-food sector in Bosnia and Herzegovina. Book of Abstracts of the 28th International Scientific-Expert Conference of Agriculture and Food Industry. Sarajevo: Faculty of Agricultural and Food Sciences. pp. 155.
5. Kulelija, B., Ognjenovic, D., Bajramović, S., Bećirović, E. (2015). Liquidity agro-food sector in Bosnia and Herzegovina in function of sustainable business. Book of Abstracts of the 26th International Scientific-Expert Conference of Agriculture and Food Industry. Sarajevo: Faculty of Agricultural and Food Sciences. pp. 184.
6. Bećirović, E., Bajramović, S., Ognjenovic, D., Makaš, M., Kulelija, B. (2015). Economic efficiency of the green houses vegetable production in the conditions of continental and mediterranean climate in Bosnia and Herzegovina. Book of Abstracts of the 26th International Scientific-Expert Conference of Agriculture and Food Industry. Sarajevo: Faculty of Agricultural and Food Sciences. pp. 177.
7. Bajramović, S., Nikolić, A., Ognjenovic, D., Bećirović, E., Kulelija, B. (2015). Comparative advantages and exports competitiveness of fresh fruits production in Bosnia and Herzegovina. Book of Abstracts of the 26th International Scientific-Expert Conference of Agriculture and Food Industry. Sarajevo: Faculty of Agricultural and Food Sciences. pp. 175.
8. Kulelija, B., Ognjenovic, D., Bajramović, S., Uzunovic, M. (2014). Trends in Foreign Trade of Bosnia and Herzegovina in Live Animals, Meat and Meat Products. Book of Abstracts of the 25th International Scientific-Expert Congress on Agriculture and Food Industry. Izmir: Faculty of Agriculture, Ege University. pp. 223.
9. Kulelija, B., Ognjenovic, D., Uzunovic, M., Bećirović, E. (2014). Analysis of Balance Sheet and Income Statement of Meat Processing Companies in Bosnia and Herzegovina. Book of Abstracts of the 25th International Scientific-Expert Congress on Agriculture and Food Industry. Izmir: Faculty of Agriculture, Ege University. pp. 71.
10. Uzunović, M., Nikolić, A., Bajramović, S., Delibašić, V., Kulelija, B. (2014). Bosnian and Herzegovinian Dairy Sector Position at Croatian and Serbian Markets. Book of Abstracts of the 25th International Scientific-Expert Congress on Agriculture and Food Industry. Izmir: Faculty of Agriculture, Ege University. pp. 88.
11. Skender, A., Bećirspahić, D., Mujagić-Pašić, A., Joldić, S., Kulelija, B. (2014). Genofund of Native Fruit in The Una - Sana Canton. Proceedings of the 5th International Symposium on Sustainable Development (ISSD 2014). Proceedings. Sarajevo: International Burch University. pp. 69-74.
12. Kulelija, B., Ognjenovic, D., Uzunovic, M. (2013). Financial analysis of meat processing business in Bosnia and Herzegovina. Proceedings of the 24th International Scientific-Expert Conference of Agriculture and Food Industry. Sarajevo: Faculty of Agricultural and Food Sciences. pp. 537-540.

2.3. Stručni radovi

1. Kulelija, B., Ognjenovic, D., Bećirović, E. (2021). Vanjskotrgovinski bilans Bosne i Hercegovine i agroindustrija. Univerzitetska hronika-časopis Univerziteta u Travniku 2021 Vol. 13. br 2. No. 26. Travnik: Fakultet za menadžment i poslovnu ekonomiju. Univerzitet u Travniku. str. 35-41.

2.4. Dodatne edukacije, treninzi, obuke

- DEI, Programi teritorijalne saradnje, (2024)
- RCDN Training „Competence development of municipal elected officials and employees in local self-government units for WSS services (2022)
- Direkcija za Evropske integracije, Strateško planiranje u kontekstu programiranja pretpristupne pomoći EU, (2024)
- Agencija za državnu službu - Praktična primjena Zakona o razvojnom planiranju i upravljanju razvojem u FBiH, (2024)
- OSCE- Training on Project Cycle Management, (2022)
Pisanje i implementacija investicionih projekata, BIGMEV, Foundation for development of relations with BH (2014)
- Gea - Škola za poslovne ideje u okviru projekta Studentsko poduzetništvo (2012),
- International Centre for Advanced Mediterranean Agronomic Studies, Bari – „Agricultural Areas with Natural Constraints (ANCs) in Italy – context, challenges, and best management practices“ (2023)

2.5. Učešće u izradi strateških i razvojnih dokumenata i realizaciji projekata i edukacija poljoprivrednih proizvođača

- EU4ALL „Repurposing part of the former narrow-gauge railway line in the Upper Drina region into a sports-recreational path of the Upper Drina region (Foča – Foča-Ustikolina – Goražde – Novo Goražde)“ - koordinator međuopćinskog i međuentitetskog projekta
- Član Izvršnog tima za izradu Strategije poljoprivrede i ruralnog razvoja Federacije Bosne i Hercegovine za period 2021-2027. godine ispred Saveza općina i Gradova.
- Koordinator Radnog tima na izradi Strategije ruralnog razvoja Grada Goražda 2023-2027. godine.
- Član Radnog tima za revidiranje postojeće Strategije razvoja Grada Goražda za period 2017-2026. godine (trenutna faza strategije-izrada nacрта).
- Lokalni saradnik na izradi Strategije razvoja poljoprivrede i ruralnog razvoja Bosansko-podrinjskog kantona Goražde (2024-2028).
- Edukacija poljoprivrednih proizvođača u općinama Konjic, Kladanj, Vlasenica po pitanju ekonomskog planiranja u poljoprivrednoj proizvodnji (2020) – predavač.
- Okrugli sto „Obrt kao poljoprivredna djelatnost“, Obrtnička komora FBiH, (2024) – predavač.
- Edukacija poljoprivrednih proizvođača u općinama Višegrad, Rogatica, Sokolac, Kreševo i Travnik po pitanju ekonomskog planiranja u poljoprivrednoj proizvodnji (2028) – predavač
- Edukator poljoprivrednih proizvođača u okviru projekta „Ruka ruci I“ i „Ruka ruci II“ koji je sproveo Udruženje za pomoć i razvoj „HAJDE“ tokom 2014 i 2015. godine.

2.6. Pristupno predavanje

Kandidat Berin Kulelija u svom dosadašnjem radnom angažmanu nije učestvovao u realizaciji nastavnog procesa na visokoškolskoj ustanovi. Prema odredbama Člana 123. Zakona o visokom obrazovanju Kantona Sarajevo takav kandidat za izbor u nastavno-naučno zvanje docenta obavezan je pred studentima i komisijom održati pristupno predavanje iz nastavnog predmeta, odnosno naučnog/umjetničkog polja/grane za koje je konkurisao. Postupak je bliže definisan Članom 231 Statuta Univerziteta u Sarajevu, te je, u skladu sa njegovim odredbama kandidat pozvan da izabere predmet i temu pristupnog predavanja.

Kandidat je za pristupno predavanje izabrao predmet Ekonomsko projektovanje, koji se prema nastavnom planu i programu sluša u VI (ljetnjem) semestru na Odsjecima Ekonomika poljoprivrede i Prehrambene industrije. Komisija za pripremanje prijedloga za izbor u zvanje docenta je, u skladu sa rasporedom

održavanja nastave, kandidata pozvala na pristupno predavanje u srijedu 10.03.2025. godine u 12:15 sati u amfiteatru A2 na Poljoprivredno-prehrambenom fakultetu Univerziteta u Sarajevu. Obavještenje o pristupnom predavanju je objavljeno na web stranici i Oglasnoj ploči Fakulteta.

Kandidat Kulelija Berin je, prilikom izbora teme za pristupno predavanje, odlučio da temu uskladi sa činjenicom da se ono dešava na samom početku semestra, u drugoj sedmici. U skladu s tim, pristupno predavanje je započeo pojašnjenjem pozicije i značaja, te očekivanim ciljevima i ishodima predmeta Ekonomsko projektovanje i doprinosu ostvarivanja ishoda učenja na studijskim programima, te značaju stečenih znanja, kompetencija i vještina u budućem profesionalnom angažmanu studenata. Nakon toga, studentima su pojašnjeni osnovni pojmovi, definicije i koncepti: investicija, investicioni poduhvat, poslovni poduhvat, biznis plan, kapital, razvoj i rast. Poseban fokus je stavljen na međuzavisnost između investicija i društvenog rasta i razvoja, te specifičnostima poljoprivredno-prehrambenog sektora u oblasti investiranja i izvorima različitih specifičnih rizika sektora. Nakon toga, studentima su objašnjeni i predstavljeni različiti načini i kriterijumi klasifikacija investicija.

Pristupno predavanje je završeno na način da je studentima postavljen set pitanja koja su omogućila da se, na praktičnim, studentima sasvim razumljivim primjerima, provjeri do koje mjere su usvojili ono što im je predstavljeno u toku predavanja.

Pristupnom predavanju je prisustvovalo ukupno 21 student. Da bi im se, u skladu sa odredbama Člana 231, stav 7 Statuta Univerziteta u Sarajevu, omogućilo da ocijene pristupno predavanje, Komisija za pripremanje prijedloga za izbor akademsko naučno-nastavno zvanje docent je pripremila anketni obrazac. Studentima je početku predavanja objašnjeno da će anonimno ocjenjivati predavanje, a anketni obrazac im je podijeljen nakon predavanja.

Obrazac je sadržavao sljedećih 6 pitanja:

1. Kako je predavač predstavio značaj izložene materije za ostvarivanje ishoda učenja predmeta i studijskog programa?
2. Koliko dobro je predavanje osmišljeno i pripremljeno?
3. Koliko dobro predavač vlada materijom koju je izložio?
4. Da li predavač održava i potiče komunikaciju i interakciju sa studentima?
5. Da li je odnos prema studentima korektan i da li su ohrabreni da slobodno iznesu mišljenje?
6. Da li je predavanje je metodološki adekvatno i prilagođeno nivou znanja studenata?

Na svako ponuđeno pitanje, studenti su mogli dati ocjenu od 1 do 5, pri čemu im je objašnjeno da je 1 najlošija, a 5 najbolja ocjena.

Nakon popunjavanja ankete od strane studenata, utvrđena je prosječna ocjena za svako od 6 postavljenih pitanja. Na pitanjima 3, 4, i 5 ostvarena je prosječna ocjena 5,0, Pitanja 1 i 6 su ocijenjena sa 4,9 a pitanje 2 ocjenom 4,95. Na taj način je pristupno predavanje kandidata Berina Kulelije od strane studenata ocijenjen prosječnom ocjenom 4,95.

Pristupnom predavanju su prisustvovali članovi Komisije za pripremanje prijedloga za izbor u akademsko naučno-nastavno zvanje docent: Prof. dr. Dragana Ognjenović - predsjednik, Prof. dr. Sabahudin Bajramović- član, te, zbog opravdanog odsustva Prof. dr. Aleksandre Nikolić (službeno putovanje), Prof. dr. Vedad Falan - rezervni član.

Prisutni članovi Komisije su jednoglasni u stavu da je kandidat Berin Kulelija izabranu temu za pristupno predavanje kvalitetno osmislio, pripremio i prezentirao. Evidentno je da kandidat vlada prezentiranom materijom, te je na jednostavan, studentima prilagođen način, razumljivo predstavio stručne termine,

pojmove i koncepte. Predavanje je učinio interesantnim, koristeći primjere iz prakse, te praveći adekvatne digresije i sasvim nenametljivo uključivao studente u diskusiju, držeći im fokus u toku cijelog predavanja. Predavanje je savršeno uklopljeno u predviđeni vremenski okvir od 45 minuta.

Imajući u vidu rečenu ocjenu, a uzimajući u obzir i rezultate ocjene predavanja od strane studenata, Komisija je jednoglasno ocijenila da je kandidat dr Berin Kulelija uspješno odžao pristupno predavanje, te da je sposoban samostalno pripremati i izvoditi nastavu iz oblasti Ekonomika poljoprivrede i prehrambene industrije.

MIŠLJENJE I PRIJEDLOG KOMISIJE


Na osnovu uvida u dokumentaciju priloženu uz prijavu na Konkurs Komisija za pripremanje prijedloga za izbor akademskog osoblja u akademsko naučno-nastavno zvanje docent za naučnu oblast Ekonomika poljoprivrede i prehrambene industrije konstatuje:

- Kandidat dr Berin Kulelija posjeduje naučni stepen doktora poljoprivrednih nauka u oblasti Ekonomika poljoprivrede i prehrambene industrije;
- Kandidat je autor ili koautor 21 recenziranog naučnog rada, svi iz oblasti na koje se bira, od čega je devet naučnih radova objavljenih u publikacijama koje prate relevantne naučne baze podataka i jedanaest recenziranih naučnih radova prezentiranih na konferencijama;
- Kandidat je učestvovao na dodatnim edukacijama i treninzima iz oblasti na koju se bira, u organizaciji domaćih državnih i međunarodnih organizacija;
- Kandidat je kao koordinator ili kao član radnog tima učestvovao na realizaciji projekata i izradi strateških razvojnih dokumenata;
- Kandidat je kao predavač učestvovao u edukaciji poljoprivrednih proizvođača u FBiH;
- Kandidat ima iskustvo u poslovima u realnom sektoru, inspekcijskoj službi i administraciji;
- Kandidat je pred Komisijom za pripremanje prijedloga za izbor i studentima VI semestra studijskih programa Ekonomika poljoprivrede i prehrambene industrije i Prehrambene tehnologije održao pristupno predavanje na predmetu Ekonomsko projektovanje, koje su i Komisija i studenti ocijenili uspješnim.


Imajući u vidu sve navedeno, Komisija konstatuje da kandidat Berin Kulelija, doktor poljoprivrednih nauka, ispunjava uslove propisane Zakonom o visokom obrazovanju Kantona Sarajeva, Statutom Univerziteta u Sarajevu i Pravilima Fakulteta, te predlaže Vijeću Poljoprivredno-prehrambenog fakulteta Univerziteta u Sarajevu da ga izabere u nastavno-naučno zvanje docent za oblast Ekonomika poljoprivrede i prehrambene industrije.

Članovi Komisije:

Prof. dr. Dragana Ognjenović



Prof. dr. Sabahudin Bajramović



Prof. dr. Aleksandra Nikolić

